



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Decretum. VI.

urn:nbn:de:hbz:466:1-11399

vel ex pluvia, frigore, estu, temporumve vicissitudine existit, incommodum ab hoc officio deterreat: immò verò ad illud diligentius exequendum, prout in Domino confidimus, se quisq; eorum accendat necesse est; qui salutis suæ memores, huius rei grauitatem eorum quæ cõmemorata sunt ratione perpèdent; quique aliquãdo secum animo reputabunt, non solum parochialem Ecclesiam sibi datam esse, in qua primùm baptismo suscepto Christo Domino renati alijs Sacramentis aluntur ad perpetuam salutem; sed parochum etiam Sacerdotem sibi loco parentis esse debere, quem diligant, colant, atque obseruent; hoc sibi proponentes, illum pro fidelibus sibi commissis apud Deum internumcium ac deprecatorem esse, diuinæ legis interpretem, dispensatorem mysteriorum Dei, Christianæ vitæ & morum disciplinæ magistrum, à quo omne petant piè recteque agendi consilium, ac ministrum deniq; omnium ferè, quæ ad salutem eis necessaria sunt.

Huic autem nostræ monitioni & si omnes pro præcipua suæ salutis cura audientes esse debent; in primis tamen patres familias, tutores, curatores, ludi magistros, cæterosq; aliorum modo rationi curationive præfectos cohortamur, diuinæq; contestatione admonemus, vt de sua & aliorum quorum curam gerunt, salute solliciti, primùm ipsi hæc nostræ monita amplectantur; tum illos etiam crebris cohortationibus ad illa exequenda inflamment; idq; curent, vt non solum Missæ & diuinorũ officiorũ tempore illi in parochialem Ecclesiam conueniant; verum etiam, vt institutas in ea doctrinæ Christianæ scholas præscriptis illis diebus frequentent.

Illud norint præterea vniuersi curæ nostræ commissi fideles, pro modo culpe nos grauius cum illis acturos esse, qui è frequenti ad parochialem Ecclesiam conuentu cum tam salutaria in via Domini adiumenta habere potuerint; ijs neglectis, contemptoq; eo conuentu, illos cõpertum erit, vel ad fidẽ necessaria ignorare, vel statã ieiunia non egisse, vel festorum dierum cultum violasse.

Vt autẽ nostra hæc monitio crebrius

repetita, diligentiusq; emulgata, fidelium mentibus animisque inlixa hæreat, quò studiosius ipsi in illius executionem, quemadmodum vehementer in Domino optamus, incumbant; eam communẽ sermone explicatam, de verbo ad verbum à singulis parochis quàm sæpius populo sibi commissio legi & recitari mandamus.

Decretum. V.

SACERDOTES, & Clerici in feriõres, Dominicis festisq; diebus, quã hora in choro diuinis officijs concelebrandis adstricti nõ sunt parochum intra cuius parochiæ fines habitant, in doctrinæ Christianæ scholis adiuuent; in vrbe ad præscriptum eorum, quibus id curæ ab Archiepiscopo datum erit; in diocesi autem Vicariõrum foraneorum.

Si quis verò pagus aut vicus frequens est; vbi (quoniam ab Ecclesia parochiali distet, ab eoq; nõ longè oratoria, capellæve) doctrinæ Christianæ scholam Vicarij foranei iudicio erigi expediat; hoc idem Vicarius iubeat, vt illius pagi, seu vici, seu earum capellarum Sacerdotes Clerice, id Christianæ doctrinæ scholas adiuuandi munus, quod in parochiali Ecclesia illis iniunximus, in ipsis capellis oratorijsve statuto tempore præsentent.

Si quando præterea in diocesi per pluuie vim, niues, aliamve temporis grauitatem, viæ aut itineris difficultati adiunctam, ad eiusmodi scholas in parochiali Ecclesia qui debent conuenire difficilius possunt; illud etiam idem Vicarius procuret, vt tunc in oratorijs, vel capellis propinquiõibus, aut saltem si non potest, alio honesto loco, per Clericum idoneum, seu per alios scholæ sodales in vitæ & doctrinæ Christianæ studio instructiores, aliqua tum tradendæ, tum præcipiendæ eiusmodi doctrinæ exercitatio fiat; nè ob vllam causam statutis diebus hoc institutum, atque pabuli spiritalis vltus illis desit.

Decretum. VI.

SICVT sanctorum imagines sanctè & decenter exornari postulat Christianæ pietatis cultus; ita cauendũ sum-

C

moperè

Sacerdotes & clerici festis diebus ad doctrinæ christianæ scholas conueniant.

Sacerdotes Clerice, id Christianæ doctrinæ scholas adiuuandi munus, quod in parochiali Ecclesia illis iniunximus, in ipsis capellis oratorijsve statuto tempore præsentent.

Sanctorum imagines decenter exornandæ.

moperè est, ne quod ad ornatum adhibetur, parum conveniat cum illorum sanctitate.

Quare quæcunque indumenta & ornamenta, quovis genere ea sint, quibus illæ exornantur, ejusmodi sint, ut nihil in ipsis inepti, nihil profani, nihil indecori, nihil denique inhonesti, aut quo fidelium mentes oculique offendi possint, conspiciatur, ut etiam Tridentino Concilio sancitum est.

§. 25. dec. de Inuoc. sanct.

Compatres rudes fidei rudimenta rate recitēt.

Decretum. VII.

UT Parochus constet, compatres fidei rudimenta non ignorare, cum eos ita rudes Provinciali Concilio, & Synodali decreto illud munus obire vetitum sit; ne quos aliunde iam certo non scitis fidei initijs instructos esse, ad id officij munerisve prius is adhibeat, quam sibi illi fidei Symbolum, orationem Dominicam, ut veteri Canone iustum est, tum etiam Salutationem Angelicam recitarint; interrogatique de fidei articulis ostenderint, se rerum quas ad salutem necessarias scire nunquamque fidelem oportet, notitiam habere.

Decretum. VIII.

CAVEAT Parochus, Sacerdosve baptizans, ne ad infantem baptizandum alio christiute utatur, quam eo, quod illo ipso anno consecratum est; nisi periculo mortis instante.

Christina in baptismo.

Decretum. IX.

TABERNACULI, ubi sacratissimum Corpus Domini asseruatur, & armarij item ubi sacra olea statis vasculis inclusa custodiuntur, & fontis item baptismalis claves Parochus diligenter cauteq; apud se custodiat: ac ne Clerico quidem ministro illas vilo modo committat.

Claves tabernaculi & sacrorum oleorum a parochis custodiantur.

Decretum. X.

PAROCHVS cum ad frequentissimum Sacramentorum usum Parochiæ suæ fideles cohortet, ut Provinciali tertio Concilio sanciuimus; tum crebris monitis illud quod Siluerius Pontifex Maximus statuit, in consuetudine reuocare studeat, ut qui sæpius non communicant singulis saltem Dominicis diebus in Quadragesima Corpus Domini sumant; ac præterea diebus Dominiçis aduentus.

Parochus fideles ad sacramenta adhortetur. Tit. quæ ad sac. Euch. iulio. pag. 92.

Decretum. XI.

AD ægrotum Parochus ipse, nisi inualetudine, aliave necessaria causa impeditus sit, Corpus Domini deferat. si vero aliquando in hoc ministerio necesse habet alio Sacerdote uti; ne alio utatur, nisi quem ad confessiones audiendas concessa scriptis facultate Archiepiscopus probauerit, idoneumq; iudicauerit; cum sæpè cõtingat, ægrotum cui sanctissimum Corpus Domini deferatur, iterum confiteri velle, propterea quod post peractam confessionem aliquid commiserit, vel ante commissum recordatus sit.

Parochi officium in comunione gratiatum.

Decretum. XII.

NE Parochi, Sacerdotesve alij intra Missarum solennia, quidquam quod profanum sit, quodq; ad rerum eiusmodi emanationem attineat, de altari populo pronuncient, aut exulgent.

Nihil profanum de altari enunciatum.

Decretum. XIII.

QVOD Provinciali secundo Concilio iustum est, in Missa conuentuali & parochiali, cum Corpus Domini eleuatur, signum sono campanæ dari: in alijs Missis id ita præstetur, ut tunc paruulum tintinnabulum, aut è latere altaris appensum, aut à sacristia allatum, à clerico ministro certis distinctis ictibus pulsetur.

Tintinnabulum cum corpore Domini eleuatur pulsandum. Tit. 2. decre. 6. pag. 66.

Decretum. XIII.

QVO planius casus nobis reseruatos confessorij Sacerdotes perpetuo norint, cum pro temporum varietate eorū reseruatiorem à nobis aliquando mutari expediat; nos præter casus Episcopo canonum iure consuetudineve reseruatos, & præter excommunicationes atq; censuras, quæ vel à iure, vel ab homine existunt, quas hoc decreto nobis perpetuo reseruamus; eos tantum casus declaramus nobis reseruatos, quos singulis annis in Synodo, aut aliter promulgatos reseruauerimus: ita tamen, ut quæ eorū promulgatio proximè facta est, vim habeat quoad altera fiet: & sic itidem perpetuo deinceps.

De casibus reseruatiss.

A quibus casibus & censuris si quis confessorius Sacerdos cuiusvis ordinis sine facultate scripta à nobis data aliquem absoluerit attentarit, excommunicatione